

Gjendja e Bekuar dhe e Lumtur e Atyre që Zbatojnë Urdhërimet e Perëndisë

VEPRIMTARIA A

“**[Ki]ni parasysh gjendjen e bekuar dhe të lumtur të atyre që zbatojnë urdhërimet e Perëndisë. . . . Ata janë të bekuar në të gjitha gjërat, qoftë tokësore ashtu edhe shpirtërore.**”

Shiko listën e bekimeve që krijove në fillim të këtij mësimi. Shto çdo bekim shtesë që mund të të ketë ardhur në mendje. Nënvizoji bekimet që janë më tepër materiale dhe rrethoji bekimet që janë më tepër shpirtërore. Mund të kuptosh se disa bekime hyjnë në të dyja kategoritë.

- Çfarë prove sheh në jetën tënde që kjo deklaratë nga Mosia 2:41 është e vërtetë?
- Lexo te Doktrina e Besëlidhje 130:20–21. Çfarë mëson për marrëdhënien midis zbatimit të urdhërimeve dhe marrjes së bekimeve të Perëndisë? Nëse dëshiron mund ta shenjosh si referencë-kryq ose t’i lidhësh këto vargje me vargun te Mosia 2:41.
- Si mendon, pse Ati Qjellor na bekon edhe me bekime materiale, edhe me bekime shpirtërore? Çfarë të mëson kjo rreth Tij?

VEPRIMTARIA B

“**Nëse qëndrojnë besnikë deri në fund, ata janë marrë në qiell, që si rrjedhim të jetojnë me Perëndinë, në një gjendje lumturie të pafund.**”

Shkruaje këtë pohim në qendër të një faqeje bosh në ditarin tënd të studimit, duke lënë vend përreth saj për të bërë shënime. Rretho fjalë ose fraza në deklaratë që janë domethënëse për ty. Bashkëngjiti një flluskë fjalësh çdo fjale ose fraze të rrethuar dhe shkruaj një përkufizim, fragmente shkrimesh të shenjta të lidhura ose çdo ide tjetër që mund të kesh.

Për shembull nëse e rrethove frazën “marrë në qiell”, flluska e fjalëve e lidhur me të mund të përfshijë diçka si “Të merrem sugjeron që dikush është atje duke më pritur. Jezusi dha mësim se Ai do të përgatiste një vend për ne në qiell dhe më pas të na marrë atje (shih te Gjoni 14:2–3). Prindërit e mi të dashur qiellorë dhe Jezu Krishti janë atje dhe do të më marrin nëse qëndroj besnik.”

Plotëso një flluskë fjalësh për çdo fjalë ose frazë që rrethove. Kushtoj vëmendje pyetjeve ose mbresave që të vijnë në mendje.

- Çfarë idesh pate ndërkohë që e bërë këtë veprimtari?
- Si mund të të ndihmojnë këto ide në jetën tënde pikërisht tani?

VEPRIMTARIA C

“**O, kujtoni, kujtoni se këto gjëra janë të vërteta; pasi Zoti Perëndi i ka folur.**”

- Cilat janë disa gjëra që janë të lehta për t’u mbajtur mend? Çfarë gjërash janë më të vështira për t’u mbajtur mend?

Kujtoje atë që ke mësuar rreth Perëndisë gjatë studimit tënd të Mosia 2. Lexo vargun te Mosia 2:22 duke kërkuar të vërteta të përjetshme rreth Perëndisë.

- Çfarë di rreth Perëndisë që mund të të ndihmojë të mirëbesosh te premtimet e Tij dhe t’i zbatosh urdhërimet e Tij?
- Çfarë mund të bësh për ta kujtuar këtë rreth Tij?